


Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



1326
Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-03780/20
Sarajevo, Septembar 09. 2020. godine



Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
(*Na pažnju, predsjedavajućeg, Mirze Čelika*)

Predmet: *Odgovor na zastupničku inicijativu broj: 01-04-32187-32/20 od 26.08.2020. godine postavljenu od strane zastupnice Neire Dizdarević - dostavlja se;*

Kantonalna uprava za inspekcijske poslove Kantona Sarajevo, dana 31.8.2020.godine zaprimila je zastupničku inicijativu postavljenu od strane zastupnice Neire Dizdarević na 28. Radnoj sjednici Skupštine Kantona Sarajevo, održanoj dana 20.08.2020.godine u okviru tačke Dnevnog reda "Poslanička /zastupnička pitanja, inicijative i odgovori, a u skladu sa Poslovníkom Skupštine Kantona Sarajevo koje glasi:

"Na molbu naših sugrađana, planinara, ljubitelja naših planina, da zbog devastiranja Josipove staze na Bjelašnici usljed rada mašina na izvlačenju posječenih stabala poduzmete zakonom predviđene radnje i mjere. Na lokalitetu se nalaze mnogobrojna ložišta, razbacane konzerve, PVC flaše, limenke, folije i druga pakovanja za hranu, ostaci poderane odjeće i pravo smetljište koje za sobom ostavljaju radnici koji sijeku šumu.

Molim KUIP da provede inspekcijski nadzor i utvrdi da li je sječa šume izvršena na zakonit način, te utvrdi da li je protuzakonita devastacija prirodnog okoliša na pomenutoj lokaciji. Ostale javne organe i preduzeća molim da poduzmu potrebne radnje iz svoje nadležnosti."

U vezi sa pokrenutom zastupničkom inicijativom, daje se sljedeći odgovor:



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Dana 03.09.2020. godine izvršen je inspekcijski pregled planinarske staze zvana "Josipova staza" koja se nalazi u širem rejonu Igmana i Bjelašnice na teritoriji općina Hadžići i Trnovo a koja prolazi kroz odjele 109, 110 i 111 GJ "Igman" ŠPP "Igmansko". U navedenim odjelima se trenutno izvode radovi sječe i izvlačenja šumskih drvnih sortimenata od strane Kantonalnog javnog preduzeća za gospodarenje državnim šumama "Sarajevo-šume" d.o.o. Sarajevo.

U postupku inspekcijskog nadzora utvrđeno je da se u navedenim odjelima izvode radovi redovne sječe i izvlačenja šumskih drvnih sortimenata na osnovu Godišnjeg plana realizacije šumskoprivredne osnove za ŠPP "Igmansko" za 2020. godinu, broj: 0103-3678-2/19 od 06.03.2020. godine, na koji je Ministarstvo privrede Kantona Sarajevo izdalo saglasnost broj:07-07-26-42211-10/19 od 21.02.2020. godine. Subjekt nadzora je za navedene odjel izradio i usvojio Projekate za izvođenje i to za odjel 109 projekat za izvođenje broj: 0103-726-11A/19 od 27.03.2019. godine, za odjel 110 projekat za izvođenje broj:0103-532-2A /20 od 20.04.2020.godine i za odjel 111 projekat za izvođenje broj:0103-2559-2A/19 od 26.09.2019. godine.

Pregledom navedenih projekata za izvođenje utvrđeno je da su isti urađeni propisno na način kako je propisano članom 12. Zakona o šumama Kantona Sarajevo ("Službene novine Kantona Sarajevo" broj: 5/13), te je također pregledom utvrđeno da nije prekoračen dozvoljeni obim sječa-etat u navedenim odjelima. Prilikom inspekcijskog nadzora detaljno su pregledani svi traktorski putevi oko navedene planinarske staze kao i način njihovog projektovanja i gradnje. Detaljno je pregledan i način uspostavljanja i održavanja propisnog šumskog reda. Tom prilikom je utvrđeno da su svi traktorski putevi propisno isprojektovani i na terenu obilježeni a traktori su se prilikom izvlačenja šumskih drvnih sortimenata kretali isključivo obilježenim traktorskim putevima na način kako je propisano članom 22. stav 6. navedenog Zakona o šumama i članom 9. Pravilnika o obimu mjera za uspostavljanje i održavanje šumskog reda i načinu njihovog provođenja ("Službene novine Kantona Sarajevo" broj: 08/14). Nadalje, utvrđeno je da su pojedine dionice i traktorskih puteva projektovane i izvedene na način da se vlake i laninarske staze na nekim mjestima preklapaju. Važećim Zakonom o šumama Kantona Sarajevo nije izričito zabranjeno projektovanje traktorskih puteva na obilježenim planinarskim stazama. Isto tako planinarska društva gotovo uvijek samovoljno obilježavaju planinarske staze postojećim traktorskim putevima bez ikakve saglasnosti korisnika šuma.

Kada je u pitanju šumski red u odjelima u kojima se izvode radovi, utvrđeno je da su panjevi četinarara uredno okorani, grane lišćara ispresijecane i razbacane po sastojini. Grane četinarara su složene u gomile-gromade koje su mjestimično prevelike, odnosno prečnik gromade je veći od propisanog prečnika. Ovakav način slaganja grana četinarara je u suprotnosti sa odredbama člana 22. stav 6. navedenog Zakona o šumama i člana 5. Pravilnika o obimu mjera za uspostavljanje i održavanje šumskog reda i načinu njihovog provođenja ("Službene novine Kantona Sarajevo" broj:08/14).

Inspekcijskim nadzorom je na nekoliko mjesta pokraj navedene planinarske staze pronađeno nedoliko limenki, plastičnih kesa, flaša i kanistera koje su prilikom izvođenja radova sječe i izvlačenja drvnih sortimenata, ostavili radnici subjekta nadzora. Ovakav



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

način odlaganja otpada je u suprotnosti sa članom 31. stav 4. navedenog zakona o šumama.

Zbog utvrđenih nepravilnosti, prema subjektu nadzora je postupajući inspektor djelovao izdavanjem odgovarajuće upravne mjere-rješenje kojim se naređuje da subjekt nadzora detaljno očisti sav otpad - smeće u navedenim odjelima kao i da izvrši popravku šumskog reda sa tačno utvrđenim rokom izvršenja rješenja, te će postupajući inspektor po isteku roka za otklanjanje nedostataka izvršiti kontrolu izvršenja rješenja.

S poštovanjem,

Dostaviti:

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva



DIREKTOR

Fahir Hamovic



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb